

Schnitzelbank 2010 Gruppe 1

Es git immer meh -- vo dänä Beizä -- wo vor dä Tür händ -- so nä Bäse
Bewilligung nur,-- nöd täglich offä,-- chan mer im Gsetz – nachäläsä
Schwierig,-- a wellnä Tage wird ächt,-- am meischtä gsoffä
Am „Bruno Hüppi isch das glich,-- hät eifach,-- die ganzi Wuche offä

D' Idee vor erschtä Stund,-- neu ufgnoh,-- im Grabacker
Blutti Ärsch und Buse,--diä Meitli,-- schlönd sich schu wacker
Diä Stripbar schö versteckt -- diskret,--wer det konsumiert,-- söll's niemmer wüssä
usserd sig dä nüt,-- däHofoberkirch,-- redet dä Gmeind is Gwüssä

(Aller guten Ding sind drei) -- drü wissi Händschä -- drü wissi Kochhüet -- Culinarium
Es wyters Restaurant schlusst,--Monika – Peter -- mir fröget warum
Huusherr Peter -- nur no zueständig für -- (Morgeässä, Reinigungsarbeitä, wäschä,
WC putzä) -- Garni Hotel -- si wünschäd
Im Chämmerli nebet dä Thekä -- am Computer -- dir viel Zyt mir wünsched

Igangs vom Ricke uf Kaltbrunn,-- do häts ä Beiz
Schu chli i d' Jahr cho, -- und verlorä,-- ihrä Reiz
Abägwäschä -- und neu gschrichä,-- Tschem,-- mir bindet dir en Chranz
D' Rickäbahn potz tuusig, -- erstrahlt **sie**,-- ganz keusch -- im neue Glanz

Im Linthgebiet -- Abfallentsorger -- putzet Türe -- vo ihrem Spind
Machet platz -- für es Foti -- am Schwyzer Markus,--sin hübschä Grind
Energistadt – Kaltbrunn -- di chan nur profitierä
Chömär i paar Jahr – Wärmi -- vo Niederurnä – importierä

Am Wucheändi es Gläsli zviel,--oder es Bier,--nach Arbeitsschluss am Frytig
En Starchauffeur hät -- „Nez rouge“,--us Kaltbrunn,--chasch läsä i dä Zytig
Ueli isch dies sociali Engagement, -- us eigener Erfahrig,-- ächt entstandä
Oder händs Kollegä eifach gern,-- wänn ihnä,-- en bekanntä Chauffeur -- isch
vorhandä

Saniert und restauriert --es Schmuckstück --hät nur z' wenig Holz
D Arzt und s'Personal -- bis zur Chuchi -- mir sin schu ächli Stolz
Einzig bi dä Ambulanz -- lüüt nurnu ah -- wenn'd häsch kei Stress
Vergoht viel Zyt -- gfindet dich nur -- wänn igäh bisch -- im G P S

Wirtschaftskrisä,-- Bankekräsch,--zur Zyt isch's zimmi bitter
Au dä Chilächor Schänis,-- hät zwenig Geld,--und weiss nömm wyter
Üsä Stardirigent -- vom Linthgebiet -- chan das nöd schocke
Locker wächslet er,-- zu Eschäbach,-- das haut di -- us dä Socke

En gselligä Abig,-- für gueti Arbeit,-- Behördä zeigt sich spendabel
Wetter umschlaht -- uf dä Morgä,-- Urs,-- hät din Fernseh -- dänn keis Kabel
Kei grumti Strossä,-- macht üs Chaltbrunner,-- schu chli Chummer
Vorschlag vo üs,--d Wiehnachtsfyr -- verschiebä,-- uf dä Summer